

**Odsjek za industrijsko inženjstvo i menadžment
Mašinskog fakulteta Univerziteta u Sarajevu
organizovao četvrti event za razvoj
preduzetničkih kompetencija studenata**

Odsjek za industrijsko inženjstvo i menadžment Mašinskog fakulteta Univerziteta u Sarajevu organizovao je 22.12.2021. godine četvrti od planirana četiri eventa u 2021. godini za studente sa ciljem razvoja preduzetničkih kompetencija kod studenata na praktičnim primjerima iz stvarnog života. Na svakom od četiri skupa studentima su se obratili uspješni preduzetnici koji su studentima ispričali svoju preduzetničku priču.



Predavač na četvrtom eventu je bio g. **Nihad Harbaš** osnivač i CEO nLogic Advisory iz Sarajeva.

Nihad Harbaš je u veoma zanimljivom izlaganju prenio svoja iskustva studentima od studiranja na Mašinskom fakultetu U Sarajevu, preko zaposlenja i konačno odluke da pokrene svoj biznis. On je ukazao na potrebu stalnog usavršavanja, te da se proces učenja ni u kom slučaju ne završava dobijanjem fakultetske diplome. Ukazao je da privatni poslodavci cijene zaposlenike koji su preduzetni i inovativni i koji nisu samo izvršiocu posla koji obavljaju. Nihad Harbaš je ohrabrio studente da razmišljaju o pokretanju svog biznisa.

Nihad Harbaš (magistar mašinstva - Mašinski fakultet Univerziteta u Sarajevu, magistrirao 2011. godine) je jedan od vodećih stručnjaka u oblasti energetike, energetske efikasnosti i obnovljivih izvora energije u Bosni i Hercegovini. Nalazi na listi stručnjaka iz navedenih oblasti u Sekretarijatu Energetske zajednice u Beču. Radi na projektima reforme energetskog sektora u BiH prema najboljim praksama EU, a uključen je i u projekte na području Zapadnog Balkana, EU i šire. Kao stručnjak Međunarodne agencije za obnovljivu energiju učestvuje u projektima solarnih, vjetro, hidro elektrana, biomase i biogasa širom svijeta.

Trenutno kao CEO vodi konsultantsku kuću ili tzv. prvi BH "Think Tank" nLogic Advisory čiji je i osnivač (www.nlogic.ba).



Trenutno je angažovan i kao savjetnik na nekoliko projekata koje implementiraju domaće i međunarodne organizacije, a kao tehnički ekspert za Bosnu i Hercegovinu implemetira EBRD-ov projekat finansiranje zelene ekonomije zapadnog Balkana (WB GEFF) sa fokusom na stambeni sektor u vrijednosti od 22 miliona eura za BiH. Učesnik je mnogih stručnih seminara, konferencija i predavanja, te autor mnogobrojnih stručnih radova u polju energetike i klimatskih promjena.

www.nlogic.ba